

ները Օսմանեան կայսրութիւնից: Այդ նու-  
տաներով՝

1. Ռուսաստանը գրաւում է էրզրումի, Տրապիզոնի, Վանի եւ Բիթլիսի շրջանները մինչեւ ապագայում որոշուելիք մի կէտը Սեւ ծովի եզերքին, Տրապիզոնից դէպի արեւ-  
մուտք:

2. Վանից ու Բիթլիսից դէպի հարաւ դըս-  
նըւող Քիւրդիստանի շրջանը, Մուշի, Մղեր-  
դի միջեւ, Տիգրիսի հոսանքի, ձեղեր-իբն-Օ-  
մարի, Ամապիլիսի գլխին իշխող լեռնազա-  
գաթների շրջանի եւ Մերգեւերի շրջանի միջեւ  
պէտք է զիջուի Ռուսաստանին, որի փոխարէ-  
նը Ֆրանսային կը տրամադրէ Ալա Դաղի, Կե-  
սարիայի, Ակ-Դաղի, Երլաղ Դաղի, Զարայի,  
Ակնի եւ Սարբերդի միջեւ գտնուող հողերը:  
Բացի այդ, Մերգեւի շրջանից սկսած, արա-  
բական պետութեան սահմանը կ'անցնէ այժմ  
օսմանեան երկիրը պարսկաստանից բաժանող  
լեռնազագաթների գծով:

Այս համաձայնութեան առթիւ 18 Ապրիլ  
1 Մայիսին Փարիզի ուսական դեսպան Իզ-  
վուլսկին հետեւեալ հետագիրն է քաշում Սա-  
զոնովին.

«Կամրոնն ինձ ասաց, որ Պետրոգրատում  
տեղի է ունեցել Ասիական Թիւրքիայի անդա-  
մահատման համաձայնութիւնը եւ Ֆրանսա-  
կան շրջանի մէջ, Կիլիկիայից բացի, մտցուած  
է եւ հայկական վերայէթների մէկ մասը Սը-  
վազով ու Սարբերդով: Այն ինչ, Փարիզ  
գտնուող Պօղոս Նուպար փաշան շարունակում  
է իր պրոպագանդը ի նպաստ ինքնավար Հա-  
յաստանի ելքով դէպի Միջերկրական ծով  
Մերսինում եւ երեք պետութեանց ընդհանուր  
հովանաւորութեան տակ: Թէեւ ես ձեռք եմ  
ստնում ամէն միջոց, որ այստեղ կասկած  
չծագի, թէ այդ պրոպագանդը վայելում է մեր  
աջակցութիւնը, որեւէ թիւրիմացութիւնից  
խուսափելու համար, պարտք եմ համարում  
հրաւիրել ձեր ուշադրութիւնը այս հանգաման-  
քի վրայ: Չէ՞ք կարող արդեօք գտնել հնարա-  
ւոր միջոցը եւ հաղորդել ինձ, անձնական տե-  
ղեկութեան համար, վերոյիշեալ համաձայ-  
նութեան բնագիրը» (188):

Սազոնովը պատասխանում է.

«Վերջնական համաձայնութեան բնագիրը

կը հաղորդուի ձեզ Ֆրանսական արտաքին  
դործոց նախարարութեան կողմից, որի մա-  
սին, իմ խնդրով, Պալէոլոգը այսօր հեռագրեց  
Փարիզ: Համաձայնութեան բուն փաստը եւ  
նրա բովանդակութիւն համարում է խիստ  
զարգանի» (188):

\* \* \*

Բայց չիք ինչ դադանի, որ ոչ յայտ լիցի:  
Ֆրանսա-ուսական համաձայնութիւնն էլ, ի  
վերջոյ, իմացուեց: Հայկական շրջանները,  
սակայն, փաստից բխող եզրակացութիւնները  
չարին եւ շարունակեցին անփոփոխ մնալ հա-  
ւատարիմ Դաշնակիցներին եւ իրենց բոլոր  
յոյսերը կապել նրանց դէմքի յայթանակի  
հետ:

Այսպէս հայերին խարելուց եւ հայերին  
խոստացուած հողերը Ռուսաստանի եւ Ֆրան-  
սայի միջեւ բաժանելուց յետոյ, ուս Քաղա-  
քականութիւնը, իրեն համար, սպառուած հա-  
մարեց հայկական հարցը:

Մօտաւորապէս նոյն օրերին կտրուկ կեր-  
պով փոխուեց եւ ուսնների ներքին քաղաքա-  
կանութիւնը հայերի վերաբերմամբ. «Հայա-  
սէր» Վորոնցով-Դաշկովի տեղը փոխաբայի  
պարտում նստեց «Հայտեաց» Նիկոլայ Նի-  
կոլայելիչը: Կամաւորական գնդերը լուծուե-  
ցին. Աղզ. Բիւրոյի գործունէութիւնը փաստօ-  
րէն վերացուեց: Այլեւս հայերը հարկաւոր  
չէին ուսներին:

Այս քաղաքականութեան ցայտուն արտա-  
յայտութիւնը տեսնում ենք Սազոնովի՝ Կով-  
կասեան փոխարքայ Նիկոլայ Նիկոլայելիչին  
գրած նամակի եւ վերջինիս պատասխանի մէջ:

Սազոնովը 1916 թ. 14-27 Յունիսին Նի-  
կոլայ Նիկոլայելիչին ուղղեց հետեւեալ նա-  
մակը — թիւ 540.

«Համարեա ամբողջ Մեծ Հայաստանի  
գրաւուելը մեր զօրքիցից եւ նրա գալիք ներ-  
մուծումը Ռուսական կայսրութեան սահման-  
ների մէջ հերթի են դնում այդ շրջանի ապա-  
գայ կազմակերպութեան խնդիրը: Թէեւ այժմ,  
պատերազմը դեռ չվերջացած, թերեւս վաղա-  
ժամ է փորձել հաստատուելու լիովին որոշ ու  
կատարեալ հիմքերը մեր ներքին քաղաքակա-  
նութեան նուաճուած երկրում, բայց եւ այն-  
պէս ինձ թւում է խիստ օգտակար պարզել